

sanjvwnz

Dwzbauj Mbawraeu Hoengz

“Dingzci aenvih mbawraeu haemh, mbawraeu hoengz gvaq va ndwenngaih.” Daeglwg mwh lij doeg siujyoz couh ciengzseiz nam daengz hot sei neix. Geij bi gvaqdaeu, baez daengz seizdoeng, gou cungj maq-muengh ndaej bae ‘Diegmbanj Maxdaemq’ —Dwzbauj yawjngonz mbawraeu hoengz. Aenvih roen bae gizde gig yak byaij, neix hawj gou bi gvaq bi cungj dwg naemj ndwi.

“Seizneix Dwzbauj doeng gauhsuz goengloh lo, mwngz miz maz leixyouz mbouj daeu, gizneix? Ngoenzyenzdan gou youq neix cinjbei laeujaekez caj mwngz nw!” Diuz saenqsik neix dwg daegyox youq Dwzbauj fat daeu, baezneix gou gietdingh bae lo.

Yenzdan haetde, gij ci daj Baksae bae Dwzbauj, Cingsih baihe gig lai, caengz daengz aen cungdaeu dou couh hai ci daengz yienhsingz Dwzbauj. Daegyox caux couh youq gyauejgai demq gou, de dwg vunz bonjdieg gig sug diegneix, naeuz Bahdouz Yangh gizde goraen cix lai, dwg dieg gingj ndei yawjngonz mbawraeu hoengz ndeu. Yienghneix dou cigciep haici gvaq baih Bahdouz bae.

Dwzbauj dwg dieg sizmozva mizmingz Guengjsae raeuz, aeu coenz ‘Caet faen rinbya sam faen namh-daeu beij de mbouj gvaqbouh. Daj yienhsingz bae Bahdouz Yangh, doengh gij da raen dingz lai dwg rinbya, nanz mbouj nanz cix miz ndoinamh cab youq ndawde. Daegyox naeuz dieg Dwzbauj miz aen yienhsingq neix: Dieg lawz miz ndoinamh diegde couh maj miz go faexraeu; gyaowz miz goraen daengz seizdoeng cungj dwg yiengh gingj ndei yawj ndeu. Yienznaeuz riengz roen bae ndoinamh gig noix, hoeng goraen mbanj go dog, mbanj baenz caz hoengzfwdfwd gig yienj da vunz, yawjraen gijneix, ndawsim gyoengqdou cwxcaih dangqmaz.

Yaek daengz banringz, saek-hoengz gwnz ndoi yied daeu yied lai, ci heux roengz aenlingq doekbyongh couh



daengz Mbanjbahdouz lo. Daengz gizde gou cix rox, Mbanjbahdouz gaenq guh ndei gak yiengh giheuj sezsih angqcoux hek daeu: Miz ciengzdingzci, miz diengzyietliengz; gangj daengz gijgwn engq lai lo, vunzmbanj youq henzroen baij gai lwgmaenz, haeuxyangz, oijmoiz doengh gijgwn nei. Ndaw ciengzdingzci gaenq dingz rim ciq, siengj mbouj daengz gyoengqde beij dou daengz ndaej caeux.

Mbanjbahdouz dwg youq dieg gyangumz, liz Yanghcwngfuj lij gek song goengq bya, aenmbanj seiqhenz cungj dwg ndoinamh. Daegyox gangj ndaej deng ha! Gizneix dauqcauw maj miz goraen: Henz rij, dingj bya, henz dat, laeng mbanj fanzdwg mwngz da ndaej yawjraen cungj miz saekhoengz.

Ndwn youq henz roen hop yawj seiq henz, roxnyinh swheij ngaiz saekhoengz homh dwk, danghnaeuz gwnz ndang mbouj dwg daen buhyijungz, ndwn youq gyang yiengh gingj neix, mwngz itdingh danq Ciuhdangz Dumuz coenz “mbawraeu hoengz gvaq va ndwenngaih” sij ndaej gig ndei ha!

Sing angqriu bouxyox baenz raq baenz raq daj seiqhenz cienz daeu, dingq ndaej ok gyoengqde cungj dwg danghaenh gij mbawraeu hoengz

diegneix. Gou caeuq daegyox byaij hwnj laeng mbanj. Mwngz yawj, gij mbawloenq faexraeu lah laj goek haenx hix dwg lingh yiengh gingj ndeu, gyoengqde bienqbaenz fan ‘didanj’ hoengzfwdfwd ndeu buq gwnz namh hawj hekyouz byaij gvaq gwnz ne. Engq hawj mwngz geizheih dwg, gij saek hoengz mbawraeu miz lai yiengh: Mbanj dwg hoengzmaeq, mbanj dwg hoengzhenj, mbanj dwg hoengzgyieng. Lij dwg daegyox daezsingj gou cix rox, cauxbaenz lai yiengh saek dwg faexraeu gizneix miz goraen mbawsamgak, goraen mbawhajgak, goraen yienghnyaujgaeq, mbawraeu mbouj doengz yiengh saek couh mbouj doengz lo.

Ndwn diegsang yawj coh seiqhenz, mbawraeu hoengz mbanj lumj bogfeiz, mbanj lumj mbawgeiz, gyoengqde nyumx hoengz daengx ndoi daengx nangh, hawj seiznit luegbya daiq daeu yiengh moqsak raeujrub ndeu. Rumznit ci daeujfifi, ciengzseiz miz mbawloenq biu roengz ‘cup’ fajgemj gou. Gou fwngz gip mbawloenq ndeu daeu caemz, roxnyinh goraen hawj vunzbiengz soengqdaeu gig lai: Seizcin daen geu ‘buhheu’ canggyaeu lajbiengz, vanzlij hawj vunzmbanj dawz daeu nyumx guh haeuxnaengj;

seizneix goraen youh nyumx hoengz byandoi, hawj luegbya daiq daeu yiengh moqsak; couhcinj mbawraeu saet bae sengmingh, hoeng de gig vaiq bienqbaenz namhcin, caiq oem dauq lajdeih. Gwqhaenx gou youh siengj daengz, hot go 《Gij Cingz Mbawmbaw Mbawraeu》 ndaej daj Yanghgangj riuzciengq daengz Daluz, dwg mbawraeu hoengz hawj bauxmbauq lwgsau mwh damzyoux daiqdaeu lai yiengh siengjmuengh.

Daegyox doq yienq gou gangj gij mbawraeu doq yienq gou lwnhnaeuz, gaxgonq Dwzbauj hawj vunz yaenqsiengq dwg “gungzhoj” “youq gemh rin ra gwn”, daj aen giyez Vazyinzlij roengz ngaenz 110 ik haenx youq neix laebguh, ndawsingz lajmbanj bienqvaq vaiqvwd, bi 2014 caizcwng souhaeu mauhgvaq 8 ik maenz. Dwg ha! Gaxgonq gwn mbouj imq daen caengz raeu, byawz miz sim bae yawjngonz mbawraeu ne, gij mbawraeu hoengz neix youh daengq raeuz rox, seizneix saedcej beksingq Dwzdauj lumj mbawraeu nei bienq ndaej hoengzfwdfwd lo.

Daengngoenz ciemhciemh doek baihsae, dou mbouj rox mbouj nyinh byaij daengz dingjbya. Gwqhaenx mbawraeu hoengz caeuq fwjhaemh doxdaengh gyaebbaenz fuk vehgyaeu ndeu louz hawj Mbanjbahdouz. Yawj daengz gij gingjhaemh dangqna neix, gou geiq ndaej miz vunz yienghneix danq goraen Dwzbauj: Aenvih lajnamh dieg Dwzbauj damq miz 3.2 ik dun lijdujgvang, caemnhcaiq Baksae dwg dieg lwed doenghbox gwzmingz lezsw rwd gvaq ndeu, mbawraeu Dwzbauj daegbieg hoengz, hoengz ndaej hawj vunz nyaenx mbouj ndaej lizhai.

Doxdau ci hai gvaq henz dieg ghi di Vazyinzlij, raen geij diuz yenhdung sanggywggywg haenx hoenzhau mauh mbouj dingz, youh siengj daengz diuz dietloh ngamq doeng haenx, gou guj ngoenzlaeng mbawraeu hoengz Dwzbauj engq gyaunde maez vunz.

Aeu gaem ndei gij daegdiemj Guengjsae, fazveih gij raezcawq dieg raeuz, haekfug gij dinjcauw dieg raeuz. Lumjnaeuz, guh gij daen, raeuz ndaem gofaiq yaez gvaq vunz, hoeng raeuz miz youzcoengh, maenzfaex, youzsoengci, lij miz dienhraemx caeuq rinhoi, ndaej guh rindienh, yienghneix cix ndaej cauh nizlungz, dizlungz, veiznizlungz. Duenhneix miz vunz guh goyaed bienqsiengq, danghnaeuz baenzgoeng le, raeuz miz daihbaj goyaed cix ndaej dawz okdaeu guh gij daen lo.

Seizneix, ceiq youqgaen dwg caep ndei goekdaej, aeu daegbied gaem ndei gihgai, vagungh, lienh gimsug, caemh mbouj ndaej yawjsiuj ginghgungh caeuq hongdinfwngz. Aeu cugbouh bouj gij doxgaiq lemq caez bae, soujsien aeu bouj gij doxgaiq yungh ndaej ceiq gaenjgip haenx gonq, lumjnaeuz dienhsienq, denswz,

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

doucab gaucung’ ap, gienhbiucinj, ganghabgim, youjgih hozcwngz vayoz daengjdaengj. Vuhsenden raeuz lij caengz miz gvaq, ceiqndei dwg guh di okdaeu. Raeuz vunz, ngaenz caeuq doxgaiq cungj mizhanh, aeu yungh ndei bae.

Gunghyeiz gihgai, cawz miz mbanj guzgan le, lij aeu hawj gij cangj nungzgai conghih, yienh haenx ndaej guh hwnjdaeu. Aeu baez yamq baez yamq demgya di sezbei cienyungh ndeu, daezsang gij naengz-

lig baenzdauq gunghyeiz gihgai, daegbied gij naengzlig baenzdauq sezbei dienhraemx iq, vafeiz iq, aencaqdangz iq, suiinj iq haenx. Lumj Liujgih, Liujdung, Dienhbiuj Gveilinz daengj gij cangj neix, aeu it faen baenz ngeih, ngeih faen baenz seiq. Yienghneix cij maj ndaej vaiq, maj ndaej ndei.

Gunghyeiz vafeiz, cawz soemj, ndaengq, vafeiz le, lij aeu daj gij saehsaed Guengjsae okfat, cungfaen leihyungh youzcoengh, dangzrwi, ciuj-

cingh, youzsoengci, rindienh daengj swhyenz dieg raeuz, daihlig mbefat gij iengfaex habcingz caeuq raemxyungz doxyaux. Leihyungh gij bienliuh duenhliuh moegcaiz gih raeuz, bae cauh gij cenheiz vunzcauh giengzlig. Haujai doxgaiq senhcin cungj caeuq vagungh cigsoh doxnangq, gwn daen yungh goj caeuq vagungh miz gvenhaeh. Doiq gij doxgaiq neix, aeu baij vunz bae haglien, cingj vunz daeu sonyinx, caeuq vunzde doxgap guh.

(caengz sat)